

Aningaaserivinni ileqqaakkat akileraarutitigut oqilisaaffigineqarnissaat pillugu Inatsisartut inatsisaat nr. 2, 6. maj 1989-imeersoq

§ 1. Ileqqaakkanut konto-ni ileqqaakkat akileraarutitigut oqilisaaffigineqartut ernialersorneqassapput tunngaviusumik ernianik akileraaruteqaataasussanik kiisalu ajunngitsorsiatut eriianik akileraaruteqaataasussaannngitsunik.

Imm. 2. Ajunngitsorsiatut erniat akileraarusernagit aatsaat tunniunneqassapput ileqqaakkat ataavartumik Kalaallit Nunaanni makku ilaannut ataatsimut arlalinnulluunniit atorneqarpata:

- 1) Namminerisamik illussamik sananermi pisinermiluunniit, aammalu piginneqatigiilluni illuliornermi.
- 2) Inimik attartornermut atatillugu aallarniutitut siumulluunniit akiliutitui. Tamakkunungali atugassatut annerpaamik qaammammut akiliutissatut isumaqatigiissutigineqarsimasup pingasoriaataa tunniunneqarsinnaavoq.
- 3) Inigisap pitsannorsarneranut allilerneranulluunniit.
- 4) Allamik initaarnermut atatillugu illumi atortorissaarutininnaallagissamoortunik, pequtinik natersuarnillu pisinermut.
- 5) Namminersorluni ingerlatsivimmik pilersitsinermi, ingerlatsivimmi atugassat pisiarineranni akiusut 40.000 koruunit sinnersimappatigit. Ileqqaakkat akileraarutitigut oqilisaaffigineqarsimasut bilinik inunnik angallassissutinik pisinermut atorneqarsinnaanngillat. Aningaasaliissuteqarfimmik assigisaaniluunniit ingerlatseqataaneq pilersitsinertut isigineqanngilaq.
- 6) Selskabini inuussutissarsiornermik ingerlatalinni piginneqatigiissutinik (aktienik anpartinillu) pisinermut. Tamatumani aningaasaliissuteqartarfiit inuussutissarsiornermik ingerlatsisutut isigineqanngillat.

§ 2. Tunngaviusumik erniat ajunngitsorsiatullu erniat akileraaruteqaataasussaannngitsut annertussusaat,takuuk § 1, imm. 1, naalakkersuisunit nunatsinnilu aningaaserivinnit isumaqatigiinnikkut aalajangerneqartassapput.

§ 3. Akileraarutitigut oqilisaaffigineqartunik ileqqaaruteqarsinnaapput inuit tamakkiisumik akileraartussaataasut.

Imm. 2. Inuit toqqaannartumik kinguaaminnut, tamakkiisumik akileraartussaataasumut, akileraarutitigut oqilisaaffigineqartumik ileqqaaruteqarsinnaapput. Meerarsiat, aappaasup meerai aammalu tigunggisatut meeqqat toqqaannartumik kinguaatut isigineqarput.

Imm. 3. Tunngaviusumik erniat ajunngitsorsiatullu erniat akileraaruserneqassatillugit konto-mik piginnittumut akileraaruserneqartassapput, imm. 2 naapertorlugu allat konto-mut ikisisarsimagaluarpataluunniit.

§ 4. § 1, imm. 2-mi, nr. 1-imiit 6-imut taaneqartuni atugassanut inuk ataatsimut konto-liorsinnaavoq imaluunniit atugassaqarfiit ataasiakkaat immikkut kontoqartissinnaallugit.

Imm. 2. Imm. 1-imi konto-ni taaneqartuni uninngasuutit inummit ataatsimit pigineqartut konto-ni nuttarneqarsinnaapput.

Imm. 3. Ileqqaarutit akileraarutitigut oqilisaaffigineqartut Kalaallit Nunaanni aningaaserivinni taamaallaat pilersinneqarsinnaapput.

§ 5. Ileqqaarutitut akileraarutitigut oqilisaaffigineqartunut aningaasat taarsigassarsiat atorneqarsinnaanngillat.

Imm. 2. Inuup ataatsip ileqqaarutai akileraarutitigut oqilisaaffigineqartut ukiumut annerpaamik 50.000 koruuniusinnaapput.

§ 6. Uninngasuutit konto-ni akileraarutitigut oqilisaaffigineqartuni piginnittumit allanut tunniunneqarsinnaanatillu qularnaveeqqusiunneqarsinnaanngillat.

Imm. 2. Aningaasat uninngasuutit arsaarinnissutigineqarsinnaanngillat, akillisitsissutigineqarsinnaanngillat attoqqusaajunnaarsinnaanatilluunniit, konto-mik piginnittup ikisisulluunniit aningaasat konto-mut ikisai taassuma aningaasarsiorneranut pisuussutaanulluunniit annertuumik nikingassuteqartitsinngippata.

§ 7. Akiliisinneqarsinnaavoq piaaraluneerluni mianersuaalliorujussuarluniluunniit:

1) aningaasat tunniunneqartut, ajunngitsorsiatut erniat ilanngullugit, sumut atorneqartussaanerannut eqqunngitsunik paasinerluutaasinnaasunilluunniit paasissutissiisoq,

2) § 5, imm. 1-imik 2-milluunniit unioqqutitsisoq.

Imm. 2. Najoqqutassiani, inatsit manna naapertorlugu aalajangersarneqartuni aklliisitsilluni pineqaatissiisnaanerit aalajangersarneqarsinnaapput.

§ 8. Naalackersuisut, Naalackersuisulluunniit tamatumunnga piginnaatitaasa inatsimmi matumani aalajangersakkanik unioqqutitsisoq nalunaarfigisinnaavaat, suliassaq eqqartuussisutigoortuunngitsumik aalajangiivigineqarsinnaasooq, unioqqutitsisoq unioqqutitsinerminik nassuerpat, akiligassiissutigineqartorlu nalunaarummi allassimasooq piffissap aalajangersimasup, qinnuteqarnikkut sivitsorneqarsinnaasup, iluani akilerumassappagu.

Imm. 2. Nalunaarutiginninnermut, imm. 1-imi taaneqartumut atatillugu inatsisinik atortitsinnermut inatsimmi aalajangersakkani unnerluutiginninnermut allassimasut atuutissapputaaq.

Imm. 3. Akiligassiissutigineqartoq piffissaagallartillugu akilerneqarsimappat imaluunniit akiligassiissutigineqareernermini akilersinneqarpat, qanoq iliuuseqartoqaqqissanngilaq.

§ 9. Akiligassiissutit, § 7 aamma § 8 naapertorlugu akiligassiissutigineqartut landskassemut nakkartassapput.

§ 10. Naalackersuisut inatsisip matuma atortinnissaanut sukumiinerusunik malittarisassiorsinnaapput, kiisalu § 1, imm. 2-mi aalajangersakkanit immikkut akuersissuteqarsinnaallutik, pissutsit immikkut ittut atuutsillugit.

§ 11. Inatsisartut inatsisaat atuutilissaaq 21. juni 1989 aallarnerfigalugu.

Jonathan Motzfeldt

/

Emil Abelsen